

儒林忠節
孝友仕績

秦州志

卷廿一
至廿三



泰州志卷之二十四

人物文苑

唐張懷瓘海陵人開元中官鄂州司馬翰林院供奉
著書斷序文字論二王書錄諸篇見

欽定全唐文

舊州府志不
載今增入

宋潘汝一字古玉博貫經史工爲文靖康初徽宗南幸
童貫等勸渡揚子汝一至江都上書乞回鑾慰天下建
炎間許容攝州事降金汝一不食者數日所親強之乃
起金將遣人通意且曰不獨免死孤城將北偕濟上富
且貴焉汝一罵曰吾生於宋死於宋闔門爲忠孝鬼含

泰州志

卷之二十四

文苑

一

笑入地矣容欲作賀僞齊表召之不往金又命容擇文
士草檄容迫遣之汝一以死拒金人取城中圖書或求
其所著文以獻汝一指篋曰此豈可充雞林庭幣耶鄉
人高之紹興中以進士久次得官更歷州縣著有羣玉
府鳳池集共二十卷

府志參
舊志

仲并字彌性紹興二年進士歷光祿寺丞終朝請大夫
淮東安撫司參議幼好學強記每一展誦終身不忘其
母嘗屏所觀書几上惟臺麻一冊明旦默記吉曜凶煞
纖悉不悞及長潛心問學力排王氏一偏之說唯孔孟
是師所著有浮山集十六卷

府志參
舊志

仲并舊志作興化人案紹興間興化爲泰州領縣府志作江都人誤

明全英成化間舉人嘉靖州志乃英草創少時與儲巘共學文望並重於時

舊志

石光霽字仲濂讀書五行俱下洪武十三年以明經舉授學正進博士作春秋鉤元能傳張以寧之學

府志
明史

華湘字楚源淹貫星緯精數學正德十二年進士授工部郎用御史朱節薦歷光祿司少卿管欽天監事鄭曉吾學編輯其疏尋以事謫守蒲州稍遷廣西思恩府丞致仕家居不治垣屋泊如也嘉靖初火星麗貫索詣欽

泰州志

卷之二十四

文苑

二

天監問主何占答言主有大臣赴詔獄問何事無以答湘曰五行於禮屬火當因議禮已果驗一日本兵至邸第湘出迎適檐瓦墜地謂本兵必有問已瓦解矣本兵錯愕不之信謂所問劉六劉七之變果以此刻沒於江治郡時囚越獄布算決去向無一得脫者家居行途中見袁巍方六七齡自蒙館抱書歸識其不凡卽下輿抱至以女許字焉著有石府元機幽堂寶照皇極元機洞林秘髓靈樞秘要等書

府志
參舊志

章文斗

府志
作光斗

字月鹿工古文詞以歲薦授浙江定海

丞著定海三賦謝徵收常例卻視艦餽金嘗分修

志有鏡古叢奇臆見心銘諸刻

舊志

劉希文號翼齋博涉羣書隨手評隲稟幾充棟或有叩以故實者輒具本末旁引聽者忘倦後司鐸長洲

士心歸之

府志參舊志

陳應詔號次山嘉靖三十年進士知浙江桐鄉縣士民德之升南京工部主事視榷蕪關人多其廉平為人弱不勝衣而才思溢湧下筆數千言立就為諸生時下帷攻苦焚膏嘗徹夜一嘔血數升母聞止其讀藏膏讀如故以是成羸疾致仕時積俸與諸兄弟共之不朽

夔以傷友愛

舊志

泰州志

卷之二十四

文苑

三

李存文字應魁嘉靖四十四年進士改庶吉士館試讀臣鑒詩詞林傳誦授吏科給事中升工科右都給事上講學勤政一疏識者躋之外補楚藩參議未幾引疾歸

府志參舊志

袁杉字子才生而穎慧十二歲為郡諸生臺試每冠多士時稱維揚八俊杉居其一知同安縣寬平得大體以他事忤監司罷歸不於詩文中屢寓意焉杉子世科孫懋貞三世並舉孝廉懋貞起家開封郡丞擢南康守所至有聲終雲南副使

舊志

林曜字見城工制舉業以舉人官開封丞升刑部郎因

立儲謫廣西驛丞致仕歸日與後進論文亶亶不倦

志 舊

朱成恕字惟一幼孤且貧事母至孝長應童子試不

輒棄去闡明理學慕心齋王氏因號如齋遊於四方從

學日衆東林前輩爭聘以爲上客晚年遯跡荒村易簣

日猶講學不倦著有就正臆記十卷配祀心齋祠

志 舊

陳王度字二式萬厯乙卯副榜爲諸生時試輒高等課

兩弟學有成性慷慨喜周人急親族貧乏者賴之歿年

五十七里人公議入祀鄉賢

舊志參
家傳

文魁字鳳樓績學砥行素履端嚴人皆奉爲師表萬

泰州志

卷之二十四

文苑

四

厯間以明經薦廷試高等授長洲訓導升碭山教諭

志 舊

王堯字堯山號大章善文章工吟咏九試棘闈三中副

榜四方從游者極盛同里陳厚耀杜光先皆門下士也

志 舊

劉有光字韞石拔貢生萬厯甲午順天舉人高才博學

負大名不拘拘細行李三才開府泰州時爲人構陷遂

出亡而歿士林惜之

志 舊

徐文 字明臺廩生性孝友事親竭力奉甘旨兩弟欲

析居卽相抱而泣涉獵經史嗜學不倦天啟四年與

州志著有洄酌集

志 舊

奉

旨抽燬行世

府志參舊志稿
淮海英靈集

黃九河字天濤監生住姜堰鎮以詩名京師家居建閣
適杜愔至因名之曰杜來又築秋嘉館集名流唱和遺

稿多散佚鄧漢儀詩觀沈德潛別裁集俱載其詩弟九

洛官黃巖縣丞以廉能稱

採訪錄

宮偉鏐字紫陽明崇正十六年進士官翰林院檢討

國朝兩以薦舉起用援終養例乞歸於小西湖遺址築春

雨草堂閉門著書康熙十二年州志係其手訂著有春

雨草堂集五十卷以子夢仁貴贈如其官

舊志參淮
海英靈集

泰州志

卷之二十四

文苑

六

陳志紀字雁羣年十二能文十六應童子試學使陳昌

言拔其文許為廊廟才時其父凝祉

見仕
績

已歷顯宦志

紀謂官署非讀書地請於父不隨行自構五籍樓於城

西讀書其上會萃儒先四書精語纂輯成編又選三蘇

之警策者細加評注名曰拔尤梓以行世中順治十六

年進士改清書度吉士十八年會試分校得士二十三

人皆一時名雋是年升編修

聖祖御極

恩遇有加會以京畿旱應

詔上疏遂被逮謫戍寧古塔卒於戍所年四十有八

舊志參
家傳

奉

旨抽燬行世

府志參舊志稿
淮海英靈集

黃九河字天濤監生住姜堰鎮以詩名京師家居建閣
適杜~~濬~~至因名之曰杜來又築秋嘉館集名流唱和遺

稿多散佚鄧漢儀詩觀沈德潛別裁集俱載其詩弟九

洛官黃巖縣丞以廉能稱

採訪錄

宮偉鏐字紫陽明崇正十六年進士官翰林院檢討

國朝兩以薦舉起用援終養例乞歸於小西湖遺址築春

雨草堂閉門著書康熙十二年州志係其手訂著有春

雨草堂集五十卷以子夢仁貴贈如其官

舊志參淮
海英靈集

泰州志

卷之二十四

文苑

六

陳志紀字雁羣年十二能文十六應童子試學使陳昌

言拔其文許為廊廟才時其父凝祉

見仕
績

已歷顯宦志

紀謂官署非讀書地請於父不隨行自構五籍樓於城

西讀書其上會萃儒先四書精語纂輯成編又選三蘇

之警策者細加評注名曰拔尤梓以行世中順治十六

年進士改清書度吉士十八年會試分校得士二十三

人皆一時名雋是年升編修

聖祖御極

恩遇有加會以京畿旱應

詔上疏遂被逮謫戍寧古塔卒於戍所年四十有八

舊志參
家傳

王孫馭字率軒軀幹瓌偉刻意治經尤深於左氏春秋
爲文絕去恒徑詩宗陶潛順治十七年舉人任北流縣
知縣卒於官

舊志

吳崇先字式武順治十八年由歲貢生考授宏文院中
書母艱服闋補秘書院旋歸康熙九年大水告災例免
條鞭而不免漕崇先暨沈喬生等叩巡撫疏題並免此
後遂爲例著有經濟鴻書志遠堂新編桂籍軒詩

舊志案

府志入
篤行

張琴字桐峯號耐軒事繼母以孝聞十七遭父喪適輪
充河所里長時差徭煩重河所尤甚蓋花戶以船爲家

泰州志

卷之二十四

文苑

七

漂泊無定惟責成里長又徵麻膠皮羽茭蒲本色自解
部寺奏銷是以一充里長卽至破家琴由此家道中落
晝則趨辦徭役夜則坐誦經史寒暑不輟順治七年冬
學使李大收十屬琴於冰雪中立奏五藝拔置超等明
年再輪里長極陳河所偏累之苦巡撫咨題准改麻
膠折色入人丁正欵一例官解河所之困始蘇中康熙
十二年進士授內閣中書需次里門精研理學著淮黃
交會開濬海口諸議及麻法兵刑樂律漕運鹽法馬政
備荒屯田諸篇當事采擇用之輒效別有涉園集耐

詩集若干卷

舊志

陸舜字元升號吳州康熙三年進士官刑曹多所全活
有以枉論死者獄已定舜力陳其事當從輕比兩司寇
反覆按驗果得末減視學浙江端士習正文體所拔多
寒峻知名之士每試士必自制一藝爲諸生式兩浙文
風爲之一振會閩中寇逼與浙脣齒浙督興師援勦以
溫處兵事屬舜舜泣行伍訓練指麾刻期並進浙人歎
謂神於文者復神於兵也旋以疾歸家居二十載十
八年舉博學鴻辭不就著有雙虹堂集

舊志稿
參府志

王孫驂字受軒年十三爲諸生試輒高等讀書天慶觀
乃其父相說舊墅也規模先業抗志功名以舉人授宜

泰州志

卷之二十四

文苑

八

黃縣知縣鄉試分校得士最多

舊志

王孫驄字雲孫祖三正由貢生任上元校官學者奉爲
楷模稱夏侯先生驄承父相宜庭訓品致端雅爲文清
真蘊藉不矜才氣而百家騰躍終莫之及康熙辛酉舉
於鄉闈藝出膾炙人口五應禮部試不遇選鹽城教諭
訓士論文人皆悅服卒於官喪歸士子送抵其家者數
十人孫鍾岳餽於庠能世其業

舊志參
舊志稿

俞澱字錦泉號音隱以廩生膺歲薦候選中書著有流

香閣詩詞

舊志

俞梅字師嚴一字太羹十歲能文日成十藝年十一爲

郡諸生康熙四十二年進士改庶吉士旋丁內艱歸
仁廟南巡

召見其父中書澍

溫綸嘉獎

御書耆年貽穀扁賜之又

特命梅充維揚詩局纂修官升編修分校康熙字典一統志分
韻唐詩政治典訓諸書五十二年典試山西不避嫌怨
從棘闈飛章奏減官卷正額三名取額外五經民卷補
之晉闈稱得士李徽孫嘉淦皆出其門故人子雲間張
忠震困長安甫十餘歲梅育而教之及冠爲娶婦歸里

泰州志

卷之二十四

文苑

九

後成進士吳中李生軾軻與張等亦招致與張同學後
官翰林如臯鄭某官部曹時託轉貸千金未幾鄭物故
梅臨其喪出金贖券焚之卒年五十著有雲斤詩集治
河方畧孔子家語訂正歷朝詩雅白陸詩選藏於家子
燾能世其業

舊志

楊淮字桐山性謹慤博學善屬文少時與兄濬齊名康
熙四十一年舉人屢試春官不第文行日益純粹卒京
邸弟進士濂奉其柩歸葬里人傷之子士標諸生

舊志

宮鴻 字樵麓一字友鹿號恕堂偉鏐子工詩文康熙

四十一年考授教習四十四年

仁廟南巡獻時巡觀河省耕詩四十首

上覽詩指其名謂侍臣曰此老學也

賜金帛

命在南薰殿纂修方輿路程四十五年成進士改庶吉士授編

修移武英殿纂修

御選唐詩注五十一年充會試同考官著有棣園集舊雨園集

恕堂詩七卷又瀛海策畧四卷皆有關係兵農銓選治河

鹽法諸要政商邱宋榮梓其詩江左十五子詩選中年

六十三卒於家

舊志參
舊志稿

陳厚耀字泗源康熙四十五年進士安溪李光地薦厚

泰州志

卷之二十四

文苑

十

耀通律法引

見

上命試以算法繪三角形令求中綫及問弧背尺寸厚耀具劄

進稱

旨旋請省親歸四十七年

特命來京明年五月

駕幸熱河厚耀扈行至密雲

命寫筆算式進呈少頃出

御書筆算問知此法否厚耀對曰

皇上此法精妙極爲簡便臣法臆撰不可用

上諭云朕將教汝汝其細心貫想以待朕問次日又問曰汝能測北極出地高下否對曰若將儀器測景長短用檢八綫表可得高度此在春秋二分所測則然若餘節氣又有加減之異然亦不準何也臣聞地上有朦氣之差以人目視之有升卑爲高映小爲大之異故以渾儀側多不合但在天度數則不差也又問地周三百六十度依周尺每度二百五十里今尺二百里地周幾何地徑幾何對曰依周尺地周九萬里今尺七萬二千里以圍三徑一推之地徑二萬四千里以密率推之當得地徑二萬二千九百一十八里有奇

泰州志

卷之二十四

文苑

十一

上又問地圓出何書對以周髀算經曾言之問何以見其圓也對曰職方外紀西人言繞地過一周四匝皆生齒所居故知其爲圓且東西測景有時差南北測星有地差皆與圓形相合故益知其爲圓時厚耀以母老不忍離就教職得蘇州未踰年

召入南書房

命與梅穀成並修書於蒙養齋

算法原本算法纂要同文算指嘉量算指幾何原本周易折中字典西洋儀器金扇松花石硯及瓜果等克什甚多

書成

特授翰林院編修五十三年丁內艱

賜帑銀命江南織造經紀其喪服除晉國子監司業尋擢

德兼翰林院修撰五十八年充會試同考官明年引

以原官致仕所著有孔子家語注左傳分類禮記分類

春秋戰國異辭十七史正譌及天文算法諸書又春秋

長術十卷乃左傳分類中一門爲補杜預長術而作其

有四一曰律證備引漢晉隋唐宋元諸史志及宋戴

律書諸說以證推步之異又引春秋屬辭杜預論曰

月差謬一條爲注疏所無大衍律議春秋律考一條亦

唐志所未錄尤足以資考證二曰古術古以十九年爲

泰州志

卷之二十四

文苑

十二

一章一章之首推合周律正月朔旦冬至前列算法後

以春秋十二公紀年橫列爲四章縱列十二公積而成

表以求律元三曰律編舉春秋二百四十二年一一推

其朔閏及月之大小而以經傳干支爲證佐皆述杜預

之說而考辨之四曰律存以古術推隱公元年正月庚

戌朔杜預長術則爲辛巳朔乃古術所推之上年十二

月朔謂元年之失一閏以經傳干支排次知之厚耀

則謂如預之說年至七年中書日者雖多不失而與

二年八月之庚三年十二月之庚戌四年二月之戊

申不能合且公三年二月己巳朔日食亦皆之

蓋隱公元年以前非失一閏乃多一閏因退一月就之
定隱公元年正月為庚辰朔較長術實退兩月推至僖
公五年止以下朔閏一一與杜術相符故不復續載焉
卒年七十五子傳華郡諸生

舊志參阮元疇人傳

宮懋諒字翊元貢生康熙四年

御試高等

召對乾清宮

賜御書孝經砥石松花硯天馬裘派直

武英殿纂修佩文韻府授鉅鹿教諭四十七年中順天舉人奉

泰州志

卷之二十四

文苑

十三

旨仍入內廷辦事書成議叙補主事以疾歸卒年四十五

舊志

仲蜀巖字天池為文力追先正康熙五十年舉人候選

內閣中書著有餘力集

舊志

宮夢熊字宗熹康熙四十二年武進士充

御前侍衛以應制詩文稱

旨改授刑部福建司郎中

舊志

宮昌宗字武承號毅菴偉鏐次子順治辛酉拔貢

舊志作歲

貢誤授宏文院中書舍人

特賜九成宮字帖奉差頒

詔楚豫兩省戊申舉博學鴻辭因疾未赴著有九雲書院集

舊志

參宮氏
族譜

陳志襄字陶思號南村性至孝倡建宗祠置祀田荒歲
賑饑全活甚衆手著詩最三篇倪永清集多載之尤究
心諸史輯評綱鑑一百十五卷名曰綱鑑會通巡撫張
伯行爲之序以行世復有淡定齋集謙忍居集舊志稿
參續志

宮鴻營字東表號易菴偉鏐子少穎異年十三爲諸生
比長以目疾絕意進取肆力於詩著有涉園集閒好軒
口吟六卷舊志

朱士模字庭三號蓉樵海陵七子言志編士模尤膾炙

泰州志

卷之二十四

文苑

十四

人口著有蓉樵文集及解經評史若干卷舊志

袁爾職字肩山幼喪父母事祖母以孝聞康熙四十年

仁廟南巡獻河工頌並紀

恩詩八章

上嘉納之著有招雲閣集舊志

王鴻藻字彤颺號目山康熙二十六年以廩貢生

廷試第一考授教習會有言官建短喪之論者奉

旨下其議於成均命諸生於

午門各抒所見以對鴻藻疏曰三年之制訂自武周斷自

孔孟萬世莫易旋以外艱歸著有鷗吟集六卷舊志

沈龍翔原名字興之號讓齋康熙五十二年順天中式

與弟遴讀書芝圃中時有二沈之目嘗與修州志有志

中不能悉載者乃家刻一書曰發幽錄又嘗修崇明縣

志著有清芬堂集二十卷桴客卮言一卷續志稿

戴皇恩字浩如諸生十六試不售究心文史至老弗

年八十三卒著有禮記正詮詩經指南樊川草堂詩集

舊志

翼宸字參兩官光祿寺丞 乞歸著有紅椒山

房詩八卷楓亭詩鈔八卷子 協華並見選舉府志

程盛修字風沂家貧篤學祖母吳 寒夜促之就寢已

泰州志

卷之二十四 文苑

十五

復然鐙讀雍正八年成進士改庶吉士授翰林院編修

擢御史乾隆四年進詠史樂府奉

上諭輪進經史講義之御史程盛修所進詠史樂府十二章指

事寓規詞意婉摯得獻納之意與泛論經史者不同甚

屬可嘉着賞內用緞二疋筆墨二種以示嘉獎旋視漕

通州晉順天府府尹以終養歸晚年自訂所著詩稿為

夕陽書屋初編四卷而冠所進樂章於首又次其歸養

後諸詩為南陔松菊集一卷卒年八十五續志稿參淮海英靈集

仲鼎龍字雲門博通經史雍正元年順天中式同榜柏

謙汪由敦輩俱推重之出其門者多掇巍科年六十六

卒弟彭年歲貢生亦以文名

稿 續志

顧瀛字湘靈貢生爲文寢饋史漢一時求傳志碑版者不以出自顯貴爲榮而樂得瀛一言以垂不朽山東巡撫聘修省志東人傳泰山頂有石表云泰無字碑瀛曰有字埋土中掘視之果如其言晚年手鈔南華經采擇各家注釋參以已見有內外雜篇錯簡者有一篇自相舛誤者有本文小注互相凌躐者一一釐訂之所著詩載汪楚伯海東遺草中楷法亦古秀

稿 續志

泰州志

卷之二十四

文苑

十六

畱心金石琅邪臺有秦石刻曾鎔鐵束之著有嘯月齋

詩草

稿 續志

繆祖培字晴嵐進士集之孫乾隆四十三年會試第一四十五年

高宗南巡獻詩著有修月樓詩稿

稿 續

王九鵬字臨川博覽經籍高 文肅重其才將薦於

朝以疾不克赴著有周易聯珠

傳評選

錄 采訪

陳鑾字仙仗號雲巢住海安 乾隆戊午舉人庠常張

符驥深器之與弟鑣齊名鑣 鑾善詩文需

京邸遺稿散佚過半

錄 采訪

陸進字宿九號漱石海安鎮人僑寓如臯與姜恭壽

春榮輩友善名噪甚教授生徒如江大銳江大健皆出

其門所刻詩古文詞流播菰林子鎮鈞鑄俱列膠庠

如臯

縣志

程選青字綠野盛修子乾隆十八年順天中式諸前輩

咸器之年五十赴禮部試歿於淮安途次子應佐嘉慶

丁卯解元著有願學編

續志稿

俞培字容萬號蘅臯編修梅之孫乾隆乙酉舉人舒城
教諭父燾有文名早世培爲諸生時畱心經濟九邊防
水利田賦刑名之載在典籍者罔不賅覽乾隆十六年

泰州志

卷之二十四

文苑

十七

高廟南巡恭獻詩賦兼進治河方畧並圖說二十六卷

特恩賜貂皮二張緞一疋大荷包一對一時公卿爭異目視之

八應禮部試不售得校官遂自京師歸專事著述歷數

寒暑至於指僵腕痛又渡江遭風因得怔忡疾辭不赴

官性醇粹與弟篤友愛事孀姊甚謹二十一年歲祲有

江都某以斷炊告贈之金爲其從子所攫培偵知親往

如前數與之而不言其故人稱長者赴都時屏當貲斧

纔得六十金有吳某猝患妻喪貧無以斂卽以辦裝錢

之半爲其櫬櫛學宮傾圮捐緡倡修其他振貧乏助婚

葬焚券契事不勝述年七十二卒錢唐袁枚爲之傳

有類苑聯珠一百二十卷尚論管窺詩三千餘首編年詩鈔十卷憶舊感秋吳陵竹枝詞各一卷古文騷賦百

二十篇

府志參家傳

侍朝字鷺川乾隆二十五年進士例選縣令不就後以

總校四庫全書授翰林院庶吉士工詩詞及駢散體文

詞尤擅場藝林稱之卒年四十有九桐城姚郎中鼐誌

其墓

府志

黃佐九字遙徵號西圃鑄曾孫

鑄仕績見

乾隆三十九年舉

人弟成煥早逝遺孤蕙友甫三歲撫教之與其子蘭友

同入庠五十三年蕙友舉於鄉其母陳旌表節孝皆

泰州志

卷之二十四

文苑

十八

佐九之力也性清介歲薦饑雖至絕食不肯稱貸於人

嘉慶十三年截取知縣以老疾辭年七十五終著有易

參增補周禮義疏

家傳

沈字之貢生善屬文屢困棘闈晚年銳意為詩

著稿子謙自有傳

續志稿

號蓬壺居士沉酣書史工詩古文詞放

意嘗襍被覽武夷仙霞之勝著有金鑱集

續志稿參淮淳

黃毓琪字鹿門貢生銳意窮經尤長於三禮足不下樓

者三十年學政李因培賞其文謂指陳利弊如指上

紋其博洽可見赴省試十七次未遇年六十一

採訪錄

翟宣字日三號應齋少好馳射中乾隆三年武舉人遂

棄其業刻意爲詩與浙西胡裘錞興化鄭燮同里仲鶴

慶輩唱和五言尤擅場著有樂清堂詩鈔

續志稿

宮麟字秀機廩貢生隸業成均議叙訓導擅經學王侍

郎昶嘗延於京邸屬校讐所著經解若干卷凡有獻疑

皆得當著有五常圖說研耘詩賦偶吟二卷經說雜錄

八卷

續志稿

周虹字天橋布衣工詩雄渾超拔出入高岑杜孟間著

有天橋初集四卷不休編一卷

續志稿

泰州志

卷之二十四

文苑

十九

劉芳字湘南歲貢生貧無家室讀書郡城安定書院閱

數十年最爲諸先輩所器重至老不遇卒於齋舍同學

張馨斂以歸又搜其遺稿梓之

續志稿

宮爲坊字言可乾隆四十年舉人博學工詩文穿穴經

義尤深史漢之學後進多賴以成就一時如吳編修椿

程解元應佐仲進士振履皆出其門屢試春官不遇授

國子監學正銜著有史記質疑目耕居士詩鈔

採訪錄

吳伊訓字步尹歲貢生善屬文日成十數藝李宮保世

傑知泰州時以神童目之入庠後試輒冠軍游其門者

日衆卒無嗣門人殯之刊其遺稿一卷

續志稿

沈成渭字南谷號

師陳太僕兆崙栢

進士官徽州府

尤精於易

奉部 選授縣 陽

勸行乃笑

已決 夜行不休耶 里後獎掖後進

變鄉人稱之年八十一 有聽泉書屋詩文

采訪錄

繆承鈞號善夫早著文譽肄業郡城安定書院

吳祭 錫麒麟器其文拔置上舍自是名益噪

泰州志

卷之二十四

文苑

二十

久困場屋晚年家居課子屢空晏如也年七十二

終著有寒翠軒詩集

采

字晉 號

於

皆弟教之

之

其門

後

子臨

松

文鈔

采訪

儲步階

年 劉

春詩

潘世求號作人乾隆五十三年舉人讀書崇實行生徒甚衆官和州學正訓士有方以病歸卒於家

采訪錄

陳燮字理堂嘉慶三年舉人少負雋才綜覽典籍學政謝墉亟賞之既游京師聲華籍甚畢尚書沅督陝時延爲上客梓其詩吳會英才集中晚年官邳州學正以修

江寧府志歿於旅次著有憶園詩鈔

采訪錄參吳會英才集

朱晉字唐封歲貢生天資穎異讀書過目輒不忘爲文沈博絕麗教授生徒多所成就邑中推爲經師之冠

采訪錄

錄

蔣斌字佐宸號左宜廩生湛深經術尤精左氏學遊其

泰州志

卷之二十四

文苑

二十一

門者多掇巍科年五十八

采訪錄

葛維煦字鶴汀乾隆年拔貢生官蒙城教諭訓士多所成就著有師儉堂文集詩賦雜著稿

采訪錄

仲振奎字春龍號雲澗監生工詩法少陵爲文精深浩瀚出入三蘇平生著作無體不有而稿多散佚所存惟

紅豆村樵詩草若干卷

采訪錄

俞國鑑字玉衡號澄夫幼負異稟年十三爲諸生肄業郡城安定書院運使曾燠極器賞之刻其詩題襟集中是時泰之能詩者首推陳燮國鑑年少於燮而詩名與相頡頏旋之京師從士大夫游業益進嘉慶庚申舉順

天鄉試屢赴春闈不遇得校官選通州學正國鑑性至孝以母老多病遂不赴官其兩兄俱諸生貧無家人產國鑑爲之揚美人以重國鑑故爭羅致焉平生重氣誼疏賓異客託心如舊然獨以名義相取不好苟交工書法二王初喜沈博絕麗之文後乃刊落無盈辭晚得心疾所業頗拉燒之亦不復多作年五十二卒著有樵月

山房集

採訪錄

萬榮字薌林嘉慶丁卯舉人少孤力學運司曾燠契其文刊八梅花書院課藝中後曾官湖北按察使榮往就之病歿於旅舍曾哭而斂之

續志稿

泰州志

卷之二十四

文苑

二十一

